庫全書

子部

欽定四庫

子部

夢溪筆談卷一至

詳校官中書臣徐志晉

員外郎臣牛稔文覆勘

校對官助教臣蔡 鎮 總校官降調編修臣倉聖脈 腾碌監生臣郵洪繼

欽定四庫全書 夢溪筆談 提要 籍具縣登嘉祐八年進士熙軍中官至翰林 續筆談一卷宋沈括撰括字存中錢塘人寄 學士龍圖阁侍制坐議城永樂事謫筠州 練副使後復光禄寺少卿分司南京卜居潤 臣等謹案學溪筆談二十六卷補筆談二卷 梦冥孽谈 部十 雜家類三雜說之屬

教定四年全書 宋史沈透傳中祝移方與勝覧曰沈存中宅 所買地即夢中所遊處遂築室馬名曰夢溪 求售以錢三十萬得之元祐初道過京口登 道人無外者為言京口山川之勝郡人有地 如覆錦喬木覆其上夢中樂之後守宣城有 在潤州朱方門外存中等夢至一處小山 州以終夢溪即其晚歲所居地也事蹟附載 是書益其問居是地時作也凡分十七門曰 . ! 袍

有前幾件及中與後之分如補第二卷後十 談為三卷續筆談十有一條附於末其序有 奇曰異事曰謬誤曰識雄曰雜志曰樂議共 曰世所傳補筆談每篇首必題所補之卷又 二十六卷又有補筆談二卷續筆談一卷舊 日權智曰藝文曰書畫曰技藝曰器用曰神 故事曰辨証曰樂律曰象数曰人事曰官政 别行近時馬氏刻本始合之而重編補筆 M 步溪筆改

火足四戶 全部

金只口人 ノジート 原書二十六卷不補者十餘各有補今以其件之類似非後人所得而物其為舊本無疑 律盧肇論海湖當補象數而以補九卷之人 乎子午屬寅本論納甲語而以補六卷之樂 事王子醇樞客即熙河日六件大抵皆權智 件補第二卷既此矣次則廊屋為無梓榆為 書校考之多不合如故事不御前殿云云 樸二件亦補第二卷第二卷 乃故事豈謂是 提要


次定四軍全書 藝文志期倒舛訛觸目皆是其二十五卷之 **凯原可置之不論至通志二十卷之說則疑** 考筆該二十六卷今所行者是宋史則二十 有如此者吾所以故筆為之云云今案宋史 五卷鄭棋通志藝文畧則二十卷分併不恒 有自二十七以至三十者益不可晚又云通 當補十三卷而以補十五卷之藝文凡此類 不可悉舉又若原書止二十六卷今其所補 TQ. 事漢筆該

をグセス 實 卷之初本故所標有二十七卷三十卷之目 為 者則乾道本原未載或稿本派傳藏弃者欲 為完善遂相承至今而所謂補筆談續筆談 刻阅其一筆故誤三為二其後勒著定本定 為二十六卷乾道二年湯修年據以校 散附各卷逐條標識其所據者仍是三十 初本實三十卷鄭樵據以着録因報 非括之所自題分類類外固不足異也然 提要 轉傳 刻頗

大足口長 全日 半之說朱子語銀取之清盧即滴章之說 博治於當代掌故及天文算法鍾律尤所 舊而附訂其件異如右括在北宋學問最 子中庸章句取之其他亦多為諸書所援 王得臣臺史議其算古相一條議論太 傳刻古書當闕所疑故令仍用原本以存 趙與告賓退録哉其積墨一條文字有誤 **疎失要不足以為累至月如銀九粉塗其 *** 夢漢筆我 US 拍 為 朱

多グロだとい 雜志之比勘驗斯編知非溢美矣乾隆四十 湯修年跋稱其目見耳聞皆有補於世非他 六年十]月恭校上 J. 捉牛 總 總養官臣紀的臣陸錫版臣孫士毅 校 官 臣 陸 赀 墀

謬以之為言則甚甲以予為無意於言可也 當日士大夫毀譽者雖善亦不欲書非止不言人惡而 大三日年 八十 問卷之言靡所不有亦有得於傳聞者其間不能無闕 已所録唯山間木陰率意談噱不繁人之利害者下至 謂之筆談聖謨國政及事近宫省皆不敢私紀至於繁 予退處林下深居絕過從思平日與客言者時紀一事 夢溪筆談序 于筆則若有所晤言蕭然移日所與談者唯筆硯而已 夢溪筆談



だらいりる ハナラ 所因按唐故事凡有事于上帝則百神皆預遣使祭 四庫全書 人皆曰恭薦成事先景靈官謂之朝獻次 総行が必要と言いるが決立者は 夢溪筆談 先為尊則郊不應在廟後若後 有事于南郊子集郊式時曾預 太廟之先求其所從來盖有 沈括 撰

金口匠屋有書 正衙法座香木為之加金飾四足墜角其前小優織藤 告唯太清宫太廟則皇帝親行其册祝皆曰取其月 目之每車駕出幸則使老內臣馬上抱之曰駕頭輦 詔曰告者上告下之詞今後太清宮宜稱朝獻太廟 其日有事于其所不敢不告宫廟謂之奏告餘皆謂 後曲盖謂之筤兩扇夾心通謂之扇筤皆繡亦有銷 之祭告唯有事于南郊方為正祠至天質九載乃下 稱朝饗自此遂失奏告之名册文皆謂正祠

次定四朝在馬 唐翰林院在禁中乃人主燕居之所玉堂承明金鑾殿 籍其間者皆稱翰林如今之翰林醫官翰林待部 複門亦以其通禁庭也又學士院北扉者為其在浴 學士院在禁中非內臣宣召無因得入故院門别設 制自宰相而下初命皆無宣召之禮惟學士宣召盖 類是也唯翰林茶酒司止稱翰林司蓋相承闕文唐 皆在其間應供奉之人自學士已下工伎羣官司隸 金者即古之華盖也 夢溪筆談

學士院王堂太宗皇帝曾親幸至今唯學士上日許正 堂之南便於應召今學士初拜自東華門入至左承 異亦設鈴索悉皆丈具故事而已 堂門外則其嚴密可知如今學士院在外與諸司無 用唐故事也唐宣召學士自東門入彼時學士院在 如挽鈴故事亦緣其在禁中雖學士院吏亦止於玉 西掖故自翰林院東門赴召非若今之東華門也至 天門下馬待詔院吏自左承天門雙引至閣門此亦

東西頭供奉官本唐從官之名自永徽以後人主多居 易簡為學士已寢遠起無燭具衣冠官嬪自愈格引 東承肯閣子愈格上有火燃處太宗曾夜幸王堂蘇 燭入照之至今不欲更易以為玉堂一盛事 具衣冠據臺而坐今不復如此但存空臺而已玉堂 則謂之西頭供奉官 大明宫别置從官謂之東頭供奉官西內具員不 坐他日皆不敢獨坐故事堂中設視草臺每草制則

次足四重在雪一

夢溪筆談

唐制兩省供奉官東西對立謂之蛾眉班國初供奉班 衣冠故事多無著令但相承為例如學士舍人躡履見 舊制也 於百官前横列王溥罷相為東宫一品班在供奉班 官定乃轉班横行參罷復分立百官班退乃出參用 東西班對拜為非禮復令横行至令初叙班分立百 之後遂令供奉班依舊分立慶歷賈安公為中丞以 丞相往還用平狀扣指乘馬之類皆用故事也近歲

中國衣冠自北齊以來乃全非古制窄袖絲緑短衣長 飲定四庫全書 !! 帶弓劍的悦算囊刀礪之類自後雖去鞣變而猶存 令矣 見之雖王庭亦在深薦中予至北庭日新雨過涉草 皆便於涉草邊人樂茂草常寢處其間子使兆時皆 勒靴有鞣變帶然亦有取窄袖利於馳射短衣長勒 多用靴簡章子厚為學士日因事論列今則遂為者 衣袴皆濡唯彼人都無所霑帶衣所垂鞢輕盖欲佩 夢溪筆談

硬脚本朝幞頭有直脚局脚交脚朝天順風凡五等 子外以三環為節唐武德貞觀時猶爾開元之後雖 唯直脚貴賤通服之又庶人所戴頭巾唐人亦謂之 腦後垂之折帶反繫頭上令曲折附項故亦謂之折 其環環所以街蝶變如馬之數根即今之帶錢也天 順折茂人文也幞頭一謂之四脚乃四帶也二帶緊 上巾唐制唯人主得用硬脚晚唐方鎮擅命始借用 仍篟俗而稍褒博矣然帶鈎尚穿帶本為孔本朝加

次至四重主 予及史館檢討時議密院割子問宣頭所起予按唐故 唐中書指揮事謂之堂帖子曽見唐人堂帖宰相簽押 四脚盖两脚繫腦後兩脚繫頷下取其服勞不脫也 宣此宣謂行出耳未以名書也晚唐樞密使自禁中 事中書舍人職堂語詔皆寫四本一本為底一本為 格如今人之堂割子也 設 無事則反緊于頂上令人不復緊頷下兩帶遂為虚 夢溪筆談

金グロラ 受古出付中書即謂之宣中書承受録之於籍謂之 使郭崇韜安重酶為之始分領政事不關由中書直 宣底今史館中尚有故宣底二卷如今之聖語簿也 行下者謂之宣如中書之動小事則發頭子擬堂帖 梁朝初置崇政院專行密命至後唐莊宗復樞密使 樞密劄子樞長押字在下副貳以次向上以此為別 但中書劄子宰相押字在上次相及參相以次向下 也至今樞密院用宣及頭子本朝樞密院亦用劄子

欽定四庫全書 阿 百官於中書見宰相九卿而下即省吏髙聲唱一聲屈 禮也 席南横設百官之位升朝則坐京官以下皆立後邸 引臣寮則待制已上宣名拜舞庶官但賛拜不宣名 不舞蹈中書略貴者示與之抗也上前則畧傲者殺 制以上見則言請某官更不屈揖臨退仍進湯皆於 躬趨而入宰相揖及進茶皆抗聲賛喝謂之屈揖待 頭子唯給驛馬之類用之 夢漢筆談

學士院第三廳學士閣子當前有一巨槐素號槐廳舊 諫議班在知制誥上若帶待制則在知制誥下從職也 唐制丞郎拜官即籠門謝今三司副使已上拜官則拜 也 傳居此閣者多至入相學士争概廳至有抵徹前 戲語謂之帶陸 行李而强據之者予為學士時目觀此事 舞於指上百官拜於指下而不舞蹈此亦籠門故事

予為鄜延經畧使日新一廳謂之五司廳盖延州正聽 集賢院記開元故事校書官許稱學士今三館職事旨 館閣新書淨本有誤書處以雌黄塗之當校改字之法 とこうきとい 方能漫滅唯雌黄一漫則滅仍久而不脱古人謂? 刮洗則傷紙紙貼之又易脱粉塗則字不沒塗數遍 鉛黄蓋用之有素矣 稱學士用開元故事也 乃都督廳治延州事五司廳治鄜延路軍事如唐了 夢溪筆談

銀臺司無門下封駁乃給事中之職當隸門下省故事 置佐官以帥權不可更不專也都總管副總管鈴轄 并支掌推官判官今皆治州事而已經略安撫司不 使院也五司者經略安撫總管節度觀察也唐制方 都監同簽書而皆受經略使節制 司觀察歸安撫司處置歸經略司其節度觀察兩案 鎮皆帶節度觀察處置三使令節度之職多歸總管 >隸樞密院下寺監皆行劄子寺監具申狀雖三司

金分四月月書

欠已日至 12月 前世藏書分謀數處盖防水火散亡也今三館私閣凡 大駕鹵簿中有勘箭如古之勘契也其壮謂之雄壮箭 大夫家往往得之嘉祐中置編校官八員雜與四館 四處藏書然同在崇文院其間官書多為人盜竊士 牝謂之關仗箭邊防法也熙寧中罷之 士以上自從本品行案用樞密院雜司人吏主判食 亦言上銀臺主判不以官品初冬獨賜翠毛錦袍學 樞密廚盖樞密院子司也 夢溪筆談

舊翰林院學士地勢清切皆不無他務文館職任自校 金万口屋有重 京師百官上日唯翰林學士勅設用樂他雖宰相亦 家貧請外表解千餘言其間兩機曰虚忝甘泉之從 書給吏百人悉以黄紙為大册寫之自此私家不敢 臣終作莫敖之餒鬼從者之病莫與方朔之饑欲死 理以上皆有職錢唯內外制不給楊大年久為學士 無此禮優伶並開封府點集陳和叔除學士時和叔 輒藏校讎累年僅能終昭文一館之書而罷

禮部貢院試進士日設香案于指前主司與舉人 とこうき ニュラ 叔始 至試學究則悉徹帳幕檀席之類亦無茶湯渴則飲 有詩焚香禮進士徹幕侍經生以為禮數重輕如此 硯水人人皆黔其吻非故欲困之乃防饘幕及供應 此唐故事也所坐設位供張甚盛有司具茶湯飲漿 知開封府遂不用女優學士院勅設不用女優自和 私傳所試經義盖當有敗者故事為之防歐文忠 夢溪筆談 人對拜

多定四母全書 嘉祐中進士奏名記未御試京師妄傳王俊民為狀元 舊制御試舉人設初考官先定等第復獨封之以送 時為知制語與天章閣待制楊樂道二人為詳定官 其實自有調也 或從覆考為定即不得别立等是時王荆公以初覆 對覆考之等如同即已不同則詳其程文當從初考 覆考官再定等第乃付詳定官發初考官所定等以 不知言所起人亦莫知俊民為何人及御試王荆公

選人不得乘馬入宮門天聖中選人為館職始歐陽永 次定四車上島 時為彌封官聞之謂同舍曰二公何用力争從道十 权黄鑑輩皆左掖門下馬入館當時謂之步行學士 乃王俊民也詳定官得别立等自此始遂為定制 既而二人各以已意進禀而詔從荆公之請及發封 楊樂道守法以為不可議論未決太常少卿朱從道 考所定第一人皆未允當於行問別取一人為狀首 日前已聞王俊民為狀元事必前定二公徒自苦耳 夢溪筆談

金グレノノニー 車駕行幸前驅謂之隊則古之清道也其次衛仗衛仗 中書五房置習學公事官亦緣例乘馬赴局 宸門下行幸則為禁圍門行于仗馬之前又有衛門 官極天下長人之選八人上御前殿則執銀立于紫 嘉祐中於崇文館置編校官皆許乘馬至院門其後 殿中仗天官堂舍無官則供人門今謂之殿門文武 者視闌入宫門法則古之外仗也其中謂之禁圍如 人隊長一人選諸武力絕倫者為之上御後殿則

予當購得後唐関帝應順元年案檢一通乃除宰相劉 等商量望授依前中書侍郎無吏部尚書同中書門 執撾東 西對立于殿前亦古之虎貴人門之類也 劉昀右經國才髙正君志切方屬體元之運實資謀 **晌右無判三司堂檢前有擬狀云具官劉昫右伏以** 下平章事充集賢殿大學士無判三司散官動封如 故未審可否如蒙允許望付翰林降制處分謹錄奏 始之規宜注宸東委司判計漸期富無永賛聖明臣

とこうしたとう

夢溪筆談

金万四月全書 本朝要事對禀常事擬進入畫可然後施行謂之熟狀 军臣執政皆於狀背押字堂檢军執皆不押唯军屬 聞其後有制書曰宰臣劉昫右可無判三司公事宜 狀白紙書宰相押字他執政具姓名進草即黄紙書 事速不及待報則先行下具制草奏知謂之進草熟 用御前新鑄之印與今政府行遣稍異 令中書門下依此施行付中書門下准此四月十日 於檢背書日堂吏書名用印比擬狀有詞宰相押檢 5

舊制中書樞密院三司使印並塗金近制三省樞密院 次定四車全書 決事皆有詞謂之判則書判科是也押檢二人乃馮 代史應順元年四月九日已卯鄂王薨與辰以宰相 道李愚也狀檢藏王親筆甚有改竄勾抹處按傷五 六皆宰相自草今此擬狀馮道親筆盖故事也 劉昫右判三司正是十日與此檢無差宋次道記開 不印此其為異也大率唐人風俗自朝廷下至郡縣 元宰相奏請鄭畋鳳池豪草擬狀注制集悉多用四 夢溪筆談

合クセノノニ /奎金餘皆銅鑄而已

欽定四庫全書 つこうう ここう 三司使班在翰林學士之上舊制權使即與正同故言 結街雖依舊而權三司初除閣門取旨間有叙學士 結街遂立翰林學士之下至今為例後當有人論列 使執政有欲抑道卿者降動時移權三司使在職下 司使結街皆在官職之上慶歷中葉道卿為權三司 夢溪筆談卷: 故事二 夢漢筆技 宋 沈括 撰

宗子授南班官世傳王文正太尉為宰相日始開此議 意答以不知歸而思之恐事窮且得罪乃再詣相府 沂公問之如前約愈恐不復敢隱遂以實對公曰無 沂公公問前日宗室乞還官表何人所為約未測其 推恩使諸王宫教授刀約草表上聞後約見丞相王 不然也故事宗子無遷官法唯遇稀曠大慶則普遷 者然不為定例 官景祐中初定祖宗並配南郊宗室欲緣大禮乞 卷二

次至四華全等 一 大理法官皆親節一不得使吏人中書檢正官不置吏 予 格吏姦兼歷試人才也 縑謝約約辭不敢受予與刁親僐刁常出表藁以示 更數日當有指揮自此遂有南班之授近屬自初除 他但愛其文詞耳再三嘉獎徐曰已得古別有措置 每房給檢書一人録事而已盖欲士人躬親職事 将軍凡七選則為節度使遂為定制諸宗子以十 夢溪筆族

太宗命創方團球帶賜二府文臣其後樞密使無侍中 内外制凡草制除官自給諫待制以上皆有潤筆物太 宗時立潤筆錢數降詔刻石于舍人院每除官則移 遺法也儀禮朝服加景是也但不知古人制度章色 **歲宣徽使王君既以耆舊特賜皆出異數非例也近** 如何耳 京師士人朝服乘馬以縣衣蒙之謂之凉衫亦古之 張者王貽永皆特賜李用和曹郡王皆以元舅賜近

唐制官序未至而以他官權攝者為直官如許敬宗為 とこうる シュラー 直舍人學士院但以資淺者為之其實正官也熙寧 官制內外制皆有添給罷潤筆之物 六年舍人皆遷罷閣下無人乃以章子平權知制語 直記室是也國初學士舍人皆置直院熙寧中復置 文督之在院官下至吏人院赐皆分雪元豐中改立 而不除直院者以其暫攝也古之無官多是暫時攝 領有長無者即同正官予家藏海陵王墓誌謝脁文 夢溪筆談

銀灯四月全書 三司開封府外州長官升廳事則有衙吏前導告喝國 官所經過處閣吏以梃扣地警衆謂之打杖子兩府 朝之制在禁中惟三官得告宰相告于中書翰林學 稱無中書侍郎 親王自殿門打至本司及上馬處宣徽使打于本院 士告于本院御史告于朝堂皆用朱衣吏謂之三告 故事前宰相赴朝亦有特旨許張盖打杖子者繁臨 三司使知開封府打于本司近歲寺監長官亦打非 3

欠巨日華在馬 都堂及寺觀百官會集坐次多出臨時唐以前故事皆 國朝未改官制以前異姓未有無中書令者唯贈官方 暖座後人隊長持破木挺自侍制以上近歲寺監長 時指揮執絳梢鞭入內自三司副使以上唯乘紫絲 尚有遺者雖至很細亦一時儀制也 官持藤杖非故事也百官儀範著令之外諸家所記 有之元豐中曹郡王以元舅特除無中書令下度才 給俸有司言自來未有活中書令請受則例 夢溪筆談

賜功臣號始於唐德宗奉天之役自後藩鎮下至從軍 宰相御史大夫兩省五品供奉官自為一行十二衛 資深者例賜功臣本朝唯以賜將相熙寧中因上皇 侍郎自為一行九卿三監對之從古以來未當參錯 帝尊號宰相率同列面請三四上終不允曰徽號正 此亦畧見當時故事今録于此以備闕文 大將軍次之三師三公令僕少師保傅尚書左右丞 不可考唯顏真卿與右僕射定襄郡王郭英人書云

多りである言言

功臣號從之自是羣臣相繼請罷遂不復賜 如卿等功臣何補名實是時吳正憲為首相乃請上

夢溪筆談卷二		·			欽定四庫全書
心二					
					卷二
				,	1
					_

といり見したす 鈞石之石五權之名石重百二十斤後人以一斛為 欽定四庫全書 者以九十二斤半為法乃漢秤三百四十一斤也今 石自漢已如此飲酒一石不亂是也挽蹶弓弩方 夢溪筆談卷三 之武卒蹶弩有及九石者計其力乃古之二十五石 以鈞石率之今人乃以粳米一斛之重為一石凡石 辨證 夢溪筆談 沈括 撰

陽燧照物皆倒中間有礙故也算家謂之格術如人 楚詞招魂尾句皆曰些威 今夔峽湖湘及南北江僚 多玩四月全書 養所成以至擊刺馳射皆盡夷夏之術器杖鎧胃極 訶也可反訶從去聲 三字合言之即此字也 今古之工巧武備之盛前世未有其比 **比魏之武卒人當二人有餘弓有挽三石者乃古之** 人凡禁呪句尾皆稱些此乃楚人篟俗即梵語薩嚩 二十四鈞比頹高之弓人當五人有餘此皆近歲教

光皆聚向内離鏡一二寸光聚為一點大如蘇較着 泉腰鼓礙之本末相格遂成搖觴之勢故舉手則影 觸泉為之礙故也若萬飛空中其景隨萬而移或中 愈下下手則影愈上此其可見陽燧面窪向日照之 漸遠則無所見過此遂倒其無所見處正如寫隙據 倒垂與陽燧一也陽燧面窪以一指迫而照之則正 則影東又如憲隊中樓塔之影中門為愈所東亦皆 間為館隊所東則影與為遂相違為東則影西萬西 1.1. 夢溪筆該

多定四库全書 先儒以日食正陽之月止謂四月不然也正陽乃兩事 是中間不為物礙者鮮矣小則利害相易是非相反 憲隙則倒乃其常理 難矣哉酉陽雜俎謂海翻則招影倒此妄說也影 大則以已為物認物為已不求去礙而欲見不顛倒 物則火發此則腰鼓最細處也豈特物為然人亦如 正謂四月陽謂十月歲月陽止是也詩有正月繁霜 十月之交朔日辛卯日有食之亦孔之醌二者此先 卷三

予為喪服後傳書成熙寧中欲重定五服動而予預討 義喪服但有曾祖齊衰六月遠曾總麻三月而無高 祖遠孫服先儒皆以謂服同曾祖曾孫故不言可推 欲過而干陽也 而知或曰經之所不言則不服皆不然也曾重也由 論雷鄭之學闕謬固多其間高祖遠孫一事尤為無 王所惡也盖四月純陽不欲為陰所侵十月純陰不 祖而上者皆曾祖也由孫而下者皆曾孫也雖百世

次記四軍全書

-夢溪筆談

信傳黄陵二女堯子舜妃以二帝道化之盛始於閨房 殺至於四而皆謂之族族是弟父母族祖過此則非 謂以五為九者謂傍親之殺也上殺下殺至於九傍 則二女當具任似之德考其年歲帝舜陟方之時 其族也非其族則為之無服唯正統不以族名則是 后稷亦稱曾孫而祭禮祝文無遠近皆曰曾孫禮所 可也茍有相逮者則必為服喪三月故雖成王之於 無絶道也

水以漳名洛名者最多令器舉數處趙晉之間有清漳 歷代宫室中有鹊門盖取張衡東京賦謻門曲榭也説 とこうう ここう 多演慢皆禮義之罪人也 者謂冰室門按字訓該别也東京賦但言别門耳故 漳浦亳州有漳水安州有漳水洛中有洛水北地郡 濁章當陽有漳水職上有漳水鄣郡有漳江漳州有 以對曲樹非有定處也 夢溪筆談

如之 齒已百歲矣後人詩騷所賦皆以女子待之語

銀行四月月書 有洛水沙縣有洛水此縣舉一二耳其詳不能具戴 流此數處皆清濁合流色理如螮蝀數十里方混如 陽即沮漳合流灨上即漳漬合流漳州予未曾目見 璋亦從章璋王之左右之臣所執詩云濟齊辟王左 鄣郡即西江合流亳漳則漳渦合流雲夢則漳鄖合 右趣之濟濟辟王左右奉璋璋主之半體也合之則 两物相合有文章且可别也清漳濁漳合于上黨當 予考其義乃清濁相踩者為漳章者文也别也漳謂

解州鹽澤方百二十里久雨四山之水悉注其中未當 成主王左右之臣合體一心趣乎王者也又諸侯以 沱水天下亦多先儒皆自有解 法也洛與洛同義謂水自上而下有投流處今淝水 聘女取其判合也有事于山川以其殺宗廟禮之半 然也牙璋判合之器也當于合處為牙如今之合契 牙璋壮契也以起軍旅則其北宜在軍中即虎符之 也又牙璋以起軍旅先儒謂有銀牙之飾于則側不

欠臣日事在自

夢溪筆談

莊子云程生馬當觀文字注泰人謂豹曰程子至延州 尤血唯中間有一泉乃是甘泉得此水然後可以聚 溢大旱未當涸滷色正亦在版泉之下俚俗謂之黃 遂不成非有他異也 得甘泉和之不能成鹽唯巫咸水入則鹽不復結故 冠盜原其理盖無鹹乃濁水入滷中則淤凝鹵脈鹽 人謂之無鹹河為鹽澤之患築大堤以防之甚於備 人其北有堯梢稍音水一謂之巫咸河大滷之水不

金グロカノコー

唐六典述五行有禄合驛馬湴河之目人多不曉湴河 范河損失問其何謂范河乃越人謂淖沙為范河北 遇其一陷則人馬馳車應時皆没至有數百人平陷 之義子在鄜延見安南行營諸將閱兵馬籍有稱過 之外皆動澒澒然如人行幕上其下足處雖甚堅若 ~謂之治沙予當過無定河度活沙人馬優之百步 (至今謂虎豹為程盖言蟲也方言如此抑亦舊俗 夢寒筆淡

古人藏書辟藏用芸芸香草也今人謂之七里香者是 存者香草之類大率多異名所謂蘭孫即今菖蒲是 者盖謂陷運如今之空亡也 文館時曾得數株於潞公家移植秘閣後今不復有 如粉污辟蠹殊驗南人採置席下能去蚤虱予判招 **池字書亦作逐風 按古文渥深泥也符書有湴河** 無子遺者或謂此即流沙也又謂沙隨風謂之流沙 也業類豌豆作小叢生其葉極芬香秋間葉間微白

|欽定匹库全書

祭禮有腥燖熟三獻舊説以為腥燖備太古中古之 腥婦所以為智又一說腥婦以鬼道接之致疑也或 有此理未可致詰 謂思神嗜腥燖此雖似異説聖人知思神之情狀或 之為有知則不智薦可食之熟所以為仁不可食之 予以為不然先王之於死者以之為無知則不仁以 也萬今零陵香是也茂今白芷是也

ASE Proprietario

世以玄為淺黑色滿為赭玉皆不然也玄乃赤黑色燕

夢溪筆談

世間鍛鐵所謂鋼鐵者用柔鐵屈盤之乃以生鐵陷其 金げなんとき 紫色謂之黑紫與皂相亂與不可分乃所謂玄也滿 瑩掬之祭澤熠熠如赤珠此自是一色似緒非赭盖 秦人音桑聲之郎也糜色在朱黃之間似乎赭極光之也詩有桑有也今糜色在朱黃之間似乎赭極光 赭色也毳衣如滿門稷之滿色者謂之 栗 東字音門 羽是也故謂之玄鳥熙寧中京師貴人戚里多衣深 **鵤以色名而從鳥以鳥色喻之也** 所謂瑞色名也而從玉以其赭而澤故以喻之也循

九二日前 1.十万 至磁州銀坊觀煉鐵方識真鋼凡鐵之有鋼者如髮 桑鐵然而天下莫以為非者盖未識真鋼耳子出使 問泥封煉之銀令相入謂之團鋼亦謂之灌鋼此乃 清明磨瑩之則照照然青而且黑與常鐵迥異亦有 減則純鋼也雖百煉不耗矣此乃鐵之精純者其色 銀之百餘火每銀稱之一銀一輕至累銀而斤兩不 偽鋼耳暫假生鐵以為堅二三煉則生鐵自熟仍是 有筋濯盡柔髮則髮筋乃見煉鋼亦然但取精鐵 夢溪筆該

家有閻博陵畫唐泰府十八學士各有真贊亦唐人書 多次四月全書 詩光蘭之支童子佩鶴鶴解結錐也光蘭生英支出於 江南有小栗謂之茅果茅音草以予觀之此所謂予也 葉間垂之正如解結錐所謂佩縣者疑古人為縣之 煉之不盡而全無鋼者皆繁地之所産 制亦當與光蘭之葉相似但今不復見耳 則在子所謂祖公賦予者等者此文相近之誤也 多與舊史不同姚東字思蔗舊史姚思蕪字簡之蘇 巷三

志寧許敬宗劉孝孫蔡允恭唐書皆不書字房玄齡 臺陸元明薛莊唐書皆以字為名李元道盖文達于 薛莊官皆直記室唐書乃攝記室盖唐書成于後人 字喬年唐書乃房喬字玄齡孔顏達字顏達唐書字 之手所傳容有訛謬此乃當時所記也以舊史考之 仲達蘇典籤名從日從九唐書乃從曰從助許敬宗 也然蘇世長太宗召對真武門問云卿何名長意短 魏鄭公對太宗云目如懸鈴者住則玄齡果名非字

欠にり事と時

夢溪筆談

漢人有飲酒一石不亂予以製酒法較之每麤米 金人以五人 唐貞觀中勅下度支求杜若省郎以謝朓詩云芳洲採 書省中植紫薇花何異坊州貢杜若然歷世循之不 酿酒成六斛六斗今酒之至醨者每秫一斛不過成 b. 杜岩乃责坊州貢之當時以為嗤笑至如唐故事中 後乃為學士似為學士時方更名耳 以為非至今舍人院紫薇閣前植紫薇花用唐故事 卷三 斛

大元日 日本 古說濟水伏流地中今歷下凡發地皆是流水世傳濟 多不亂宜無足怪然漢之一斛亦是今之二斗七升 酒 之石百二十斤以今秤記之當三十二斤亦今之三 水經過其下東阿亦濟水所經取井水煮膠謂之阿 斗酒也于定國食酒數石不亂疑無此理 膠用攪濁水則清人服之下膈疎痰止吐皆取濟水 人之腹中亦何容置二斗七升水即或謂石乃釣石 解五斗若如漢法則粗有酒氣而已能飲者飲 夢溪筆談

金片四月白書 宗廟之祭西向者室中之祭也藏主於西壁以其生者 予見人為文章多言前榮榮者夏屋東西序之外屋置 載此意 榮安在 性趣下清而重故以治淤濁及逆上之疾今醫方不 也謂之東祭西祭四注屋則謂之東雷西雷未知前 之處與也即主祀而求之所以西向而祭至三獻則 出于室坐于戸西南面此堂上之祭也原改展於

莊子言野馬也塵埃也乃是兩物古人即謂野馬為塵 飲定四庫全書 四 人而不為周南召南其猶正牆面而立也周南召南樂 有樂有舞馬學者之事其始也學周南召南未至于 設用室中之禮也 埃如吳融云動梁間之野馬及韓渥云寫裏日光飛 舞大夏大武所謂為周南召南者不獨誦其詩而戶 名也胥鼓以雅以南是也關雎鵲巢二南之詩而亦 展坐于戸西即當展而坐也上堂設位而亦東向者此左戸右牖戸牖之間謂之上堂設位而亦東向者 夢溪筆談

蒲蘆説者以為蜾蠃疑不然蒲蘆即蒲葦耳故曰人 即此物也 耳遠望如羣羊又如水波佛書謂如熱時野馬陽焰 野馬皆以塵為野馬恐不然也野馬乃田野間浮氣 六斗當今一斗七升九合秤三斤當今十三兩當个 蒲葦遂之而已亦行其所無事也 敏改地道敏藝夫政猶清蘆也人之為改猶地之藝 考樂律及受詔改鑄潭儀求秦漢以前度量斗升計 〈道

十神太一一日太一次曰五福太一三曰天一太一四 こううういい 惟太一最尊更無别名止謂之太一三年一移後人 以其别無名遂對大遊而謂之小遊太一此出於後 太一八曰大遊太一九曰九氣太一十曰十神太 曰地太一五曰君基太一六曰臣基太一七曰民基 之三今尺一寸八分百分分之四十五强 一两當今六鉄半為升中方古尺二寸五分十分分四兩三分兩之一為升中方古尺二寸五分十分分 誤加京師東西太一宫正殿祠五福而太一乃在 萝溪筆談

|釖定匹||全書 予嘉祐中客宣州寧國縣人有方璵者其高祖方虔為 唐明帝諱改為恭至今仍襲舊名未曾改正 別為後殿各全其尊深為得體然君基臣基民基避 神位予時領太史預其議論今前殿祠五福而太一 廊툞甚為失序熈寧中初營中太一宫下太史考定 楊行密守將總兵戍寧國以備兩浙處後為吳人所 楊溥與方處方從訓手教數十紙紙劄皆精善教稱 擒其子從訓代守寧國故子孫至今為寧國人與有

墨印記極有次序悉是當時親跡今按天成四年歲 豈得長與二年尚稱吳王溥手教所指揮事甚詳翰 此月內已亡沒紙尾書正月二十九日按五代史錢 委曲書押處稱使或稱吳王內一紙報方處云錢鏐 鏐以後唐長興二年卒楊溥天成四年已偕即偽位 紙至今家藏 **庚寅長興二年歲壬辰計差二年溥手教予得其四**

とこり事とあ

夢溪筆該

27.10 met 1.4.10 欽定四庫全書 司馬相如上林賦叙上林諸水曰丹水紫淵灞旌涇渭 夢溪筆談卷四 江何緣與太湖相涉郭璞江賦云注五湖以漫漭灌 二江而漰沛墨子曰禹治天下南為江漢淮汝東流 大河大河去太湖數千里中間隔太山及淮濟大 川分流相背而異態顯黑演漾東注太湖八川自 辨證二 夢溪筆談 宋 沈括 撰

多万四月全書 孰為三江者盖三江之水無所入則震澤壅而為害 注之五湖孔安國曰自彭蠡江分為三入于震澤後 源皆山環之了無大川震澤之委乃多大川亦莫知 蠡水之所豬三江水之所入非入于震澤也震澤上 為北江而入丁海此皆未當詳考地理江漢至五湖 既瀦陽鳥攸居三江既入震澤底定以對文言則彭 于五湖淮汝徑自徐州入海全無交涉禹貢云彭蠡 自隔山其末乃遠出五湖之下流徑入于海何緣入

海州東海縣西北有二古墓圖誌謂之黄兒墓有一石 三江之水有所入然後震澤底定此水之理也

東海蘭陵人蘭陵今屬沂州承縣今東海縣乃漢之 之二疏墓刻碑于其傍後人又收入圖經予按旅廣 州因行縣見之曰漢二疎東海人此必其墓也遂謂 碑已漫滅不可讀莫知黃兒者何人石延年通判海

自有疏廣墓其東又二里有疏受墓延年不講地誌 贛榆自屬琅琊郡非古之東海也今承縣東四十里 夢溪筆談

欠日の日から

楊文公談苑記江南後主患清暑閣前草生徐錯令以 金万巴尼白章 桂屑布斬縫中宿草盡死謂吕氏春秋云桂枝之下 非東海故境則孝女塚廟亦後人附會縣名為之耳 孝女塚廟貌甚盛著在祀典孝女亦東海人贛榆既 録謾誌於此以見天下地書皆不可堅信其北又有 日始見圖經中增此事後世不知其因往往以為實 地名如此至多無足紀者此乃予初仕為沐陽主簿 但見今謂之東海縣遂以二疏名之極為乖誤大凡

ここりえ ここう 天下地名錯亂乖謬率難考信如楚章華臺亳州城父 落之杜預注章華臺在華容城中華容即今之監利 縣陳州商水縣荆州江陵長林監利縣皆有之乾谿 亦有數處據左傳楚靈王七年成章華之臺與諸侯 其性相制耳 無雜木盖桂枝味辛螫故也雷公炮炙論云以桂為 縣非岳州之華容也至今有章華故臺在縣郭中 丁以釘木中其木即死一丁至微未必能螫大木自 夢溪筆談

臺故基臺下往往得人骨云楚靈王戰死于此商水 徐以懼吳王次于乾谿此則城父之乾谿靈王八年 傳乃云楚子成章華之臺于乾溪皆誤說也左傳寶 縣章華之側亦有乾谿薛琮注張衡東京賦引左氏 許遷于夷者乃此地十二年公子比為亂使觀從從 于州來使蕩侯潘子司馬督囂尹午陵尹喜帥師凰 無此文章華與乾谿元非一處楚靈王十二年王狩 杜預之說相符亳州城父縣有乾谿其側亦有章華

銀行四戽全書

今之守郡謂之建麾盖用頹延年詩一麾乃出守此誤 **弑其君于乾谿則後世謂靈王實死于是理不足怪** 帥師救陳次于城父將戰王卒于城父而春秋又云 改葬之而非死于乾谿也昭王二十七年吳伐陳王 谿靈王實縊於羊尹申亥氏他年申亥以王柩告乃 衣之王服而流諸漢乃取葬之以靖國人而計以乾 師于乾谿王衆潰靈王亡不知所在平王即位殺囚

欠已写真 二十

夢溪筆談

除拜官職謂除其舊籍不然也除猶易也以新易舊曰 金万口屋台書 除如新傷歲之交謂之歲除易除戎器戒不虞以新 海去樂遊原上望昭陵始謬用一麾自此遂為故事 麾之麾非旌麾之麾也延年阮始平詩云屡薦不入 以此自託耳自杜牧為登樂遊原詩云擬把一麾江 官一麾乃出守者謂山濤薦咸為吏部郎三上武帝 也延年謂一壓者乃指揮之麾如武王右東白花以 不用後為首勉一擠遂出始平故有此句延年被擅

C.17:21 2.1. 今之數錢百錢謂之陌者借陌字用之其實只是百字 世人畫韓退之小面而美髯著紗帽此乃江南韓熈載 之義 中以退之從享文宣王廟郡縣所畫者是熙載後世 易弊所以備不虞也指謂之除者自下而上亦更易 不復可辨退之遂為熙載矣 耳尚有當時所畫題誌甚明熙載諡文靖江南人謂)韓文公因此遂謬以為退之退之肥而寡髯元曹

金 口母全書 前史稱嚴武為劒南節度使放肆不法李白為之作蜀 參一錄參乃古案字恐相傳之誤耳 錢以七十七為陌輸官仍用八十至今輸官錢有用 道難按孟祭所記白初至京師賀知章聞其名首詣 之白出蜀道難讀未畢稱嘆數四時乃天寶初也此 如什與伍耳唐自皇甫鎛為墊錢法至昭宗末乃定 八十陌者唐書開元錢重二錄四參今蜀郡亦以十 八十為陌漢隱帝時三司使王章每出官錢又減三

得尚書禹貢云雲夢土作人太宗皇帝時得古本尚書 齊江入于雲中王寢盗攻之以戈擊王王奔郢楚子 時年代甚遠盖小説所記各得於一時見聞本末不 夢之澤在江南不然也據左傅吳人入郢楚子涉睢 瓊與唐書所載不同皆唐書誤也 相知率多舛誤皆此文之類李白集中稱刺章仇無 時白已作蜀道難嚴武為剱南乃在至德以後肅宗 作雲土夢作人詔改禹貢從古本予按孔安國注雲

欠已日日 1

夢溪筆談

金万口屋石量 夢江北為雲予以左傳驗之思之說信然江南則今 之公安石首建寧等縣江北則長沙監利景陵等縣 夢杜預注雲楚之雲夢跨江南北曰江南之夢則雲 景陵主簿郭思者能言漢沔間地理亦以謂江南為 在江北明矣元豐中予自隨州道安陸入于漢口有 即則雲在江北也左傳曰鄭伯如楚王以田江南之 奔郢郢則今之安陸州涉江而後至雲入雲然後至 自郢两走涉雕則當出于江南其後涉江入雲中遂

た三日日 とこう 夢已作人矣此古本之為允也 乃水之所委其地最下江南二浙水出稍高方 夢溪筆談

夢溪筆談卷四		金石正月在書
心四		
		基四

欽定四庫全書

于部 夢溪筆談卷五至

詳校官中書臣徐志晉 員外郎臣牛稔文爱勘

總校官降調編修臣倉 聖 脉

校對官助教臣蔡 **腾绿肚上臣都洪繼** 鎮

欠已日長 いまう 變則人鬼可得而禮矣凡聲之馬下列為五等 **東鍾為角太装為徵姑洗為羽若** 吕為角太族為徵應鍾為羽若 得而禮矣函鍾為宮太簇為 右樂八變即地祇皆出可得 沈括 撰

金グロる人 者則變而用黃鍾此祀天神之音云湖非謂能易羽 角而已先王為樂之意盖不如是也世之樂異乎郊 廟之樂者如園鍾為宮則林鍾角聲也樂有用林鍾 易園鍾為宮則黄鍾乃第五羽聲也今則謂之角雖 謂之角名則易矣其實第五之聲安能變哉强謂之 以為角也函鍾為宮則太蔟徴聲也樂有用太姦者 曰角次四曰徵次五曰羽此謂之序名可易序不可 以宫商角徵羽名之為之主者曰宫次二曰商次三

というしたい 聲以為羽也也不用二變聲所以在均外思神之情 當以類求之朱經越席大羹明酒所以交於冥漢者 變而用應鍾此求人思之音云爾非謂能變均外間 異乎養道此所以變其律也聲之不用商先儒以謂 為徵也黃鍾為宮則南吕羽聲也樂有用南吕者則 則變而用姑洗此求地祇之音云爾非謂能易羽以 未當不用也所以不用商者商中聲也商商生羽羽生 惡殺聲也黃鍾之太族函鍾之南呂皆商也是殺聲 夢溪筆談

銀好四月在書 為中聲 者天地之权故以之禮天地五行之 聲所以致一于鬼神也宗廟之樂宮為之先其次角 長大日次長太義又次應麵最角又次做又次羽以律日次叔之求人思世樂之叙官商角做 又次徵又次羽宫角徵羽相次者人樂之 角木木生火火生土土生水超金不大火土水相 商)樂皆以角為先其次徵又次官又次羽始干 降與上下之神虚其中聲人聲也遺至 短知何羽此之以此 人也黄鐘最 園丘以知宫為先其次此但無商耳其餘 一金金生水/ 叙木生火)权也故以 此火

次記四華全替 一 次函鐘又次南吕最短此其似也此四音之权也鐘最長太族次長團鐘又次姑洗又此四音之权也黃為先其次徵又次官又次羽以律吕次叙知之也黃不用金耳其餘悉用此叙天地之叙也何以知其角 思之所藏也故先之以黄鐘終之以應鐘此三樂之 月故終之以南日幽陰之氣鍾於北方人之所終歸 之以姑洗地之功見于正月故先之以太族畢于八 天之氣始於十一月至于正月萬物前動地功見處 始終也角者物生之始也徴者物之成羽者物之終 天之氣始于子故先以黄鍾天之功畢于三月故終 夢溪筆談 叙知之也黄何以知其角

銀りと 為 族此樂乃 南 月萬 則 為正前在為黄始奏 吕 天功之成也故地以太族為角天以太族為徵 羽地以姑洗為徵 宫均正均商鍾于太 いく 物悉達天功畢處則地功之成也故 1:11 則也當內姑一太族為皆樂用天洗均族以羽 以之灰功為分也祭以圓 正全|鍾星|角為|天地|祀丘| 聲體也于林天地祇天樂 應非 二三鍾地之盖神雖 ノヘ 月生 無十樂月 為二樂圓方以 一何則方樂止丘澤園 一物盡成地 忽均以宫澤黄是之樂 鏈 微之專聲樂鍾世樂雖為 他類用自而之樂始以宫 律也黄合巴均黄于函而 之 雖故鍾在 唯黄 鍾黃 鍾日 功終馬 天以始 當漢 微園鍾 一種為乃 其志均之鐘為均方宮 奏 自盖後一宫耳澤而黄 月 為黄黃羽律太以之日鎮 汫

萃于幽陰之地也始于十一月而成于正月者幽陰 鍾之羽變為丁徵之商皆以黄鍾為主而已 此天融長笛賦曰反商下徵每各異善謂南吕本黄此天南吕為商林鍾本正聲黄鍾之徵變謂之下徵調馬古樂有下徵調沈休文宋書曰下徵調法黃鍾為宫門和應之律有空積忽徽不得其正其均起十一 東方故人思可得而禮也終則復歸于幽陰復其常 之魄稍出于東方也全處幽陰則不與人接稍出于 唯羽聲獨遠于他均者世樂始于十一月終于 相與之叙也人鬼始于正北成于東北終于西北

大小りゅんた

夢溪筆談

金分四月全書 卒故盡十二律然後終事先追遠之道厚之至也此 鍾為宫也天神始于黄鍾終于姑洗以木火土金水 廟樂之始終也人思盡十二律為義則始于黃鍾終 月者天地歲事之一終也思道無窮非若歲事之有 為叙則官聲當在太族徵之後姑洗羽之前則自當 金水為叙則官聲當在姑洗徵之後南吕羽之前中 于應鍾以宫商角徵羽為叙則始于宫聲自當以黃 以園鍾為宮也地祇始于太族終于南吕以木火土

少世 写事 全野 道具也名人 言有之化律 間唯函鐘當均自當以函鐘為宫也 五黄 而 六變函鍾八變黃鍾九變同會于卯卯者昏明之 所以交上下通幽明合人神故天神地祇人思可得 一變群 貫六 變,四種一變為大 禮 變鍾 人應鐘六變 也 自明辰 此三律為宫次叔定 不自 曰然 林合 大日七變夷人人 教育中愛為南人教育中愛為大人 交往當常 鍾用 日也 函不 在 畫自 鍾曰 者夾 呂族 畫寅八三夜以 理非可以意鑿也園鍾 則吕 以鏈 八受變好 天而 變變夾來夷南之常 道言之 後天 則吕故在 姑神 也者以天龍 也四變 變 之 成 夜 夜 爽 好 爽 爽 好 爽 爽 好 爽 爽 好 爽 鄉 為

金りり 求其義考其序無毫髮可移此所謂天理也一者人 鬼以宫商角徵羽為序者二者天神三者地祇皆以 自姑洗至應鍾八律皆無清宫但處位而已雖大日太族夾鍾四律有清宫總謂之十六律比皆則夷則無清宫直至夾鍾清宫為六變也十二律黄品南吕無清宫直至大吕清宫為五變六變合至夷林鍾林鍾無清宫至太族清宫為四變五變合至南變為無射再變為中呂三變為黄鍾清宫四變合至 樂者五者六變八變九變皆會于夾鍾者 木火土金水為序者四者以黄鍾一均分為天地二 天理不可易者古人以為難知盖不深索之聽其聲

漢志陰陽相生自黄鍾始而左旋八八為伍八八為伍 六律三曰鍾三曰吕夾鍾林鐘應鐘與日常相間常 之品 鍾應鍾陰之所鍾也故皆謂之鍾已酉丑大日中日 林鍾應鍾陽中之陰也黄鐘者陽之所鍾也夾鍾林 南吕陰中之陽也吕助也能時出而助陽也故皆謂 酉丑為陽紀寅午戌亥卯未為陰紀亥卯未曰夾鍾 相對六律之間復自有陰陽者納音之法申子辰戶 夢溪筆談

多定四库全書 陽至此而中也字作仲非也至午則謂之殺實陽 數皆差須自殺賓再上生方得本數此八八為伍之 者謂一上生與一下生相間如此則自大品以後律 說皆通然至經賓清宮生大日清宮又當再上生如 為陽律陽吕自午至亥為陰律陰吕凡陽律陽吕旨 此時上時下即非自然之數不免牽合矣自子至尸 說也或日律無上生日之理但當下生而用獨倍二 下生陰律陰召皆上生故已方之律謂之中呂言陰 卷五

というしていた 一世 漢志言數曰太極元氣函三為一極中也元始也行於 常為主陰常為質姓實者陽至此而為實也納音之 法自黄鍾相生至於中宫而中謂之陽紀自蕤實相 百四十七此陰陽合德氣鍾於子化生萬物者也殊 十二辰始動於子參之於丑得三又參之於寅得九 午為陰陽之分也 生至于應鍾而終謂之陰紀盖中吕為陰陽之中子 又參之於卯得二十七歷十二辰得十七萬七千 夢溪筆談

|吾聞羯皷錄序羯皷之聲云透空碎遠極異衆樂唐羯 史者但見其數浩博莫測所用乃曰此陰陽合德化 骨節專車此防風氏脛骨也鄉人皆喜樂廟祭之 持歸以示隣里大小聚觀莫不怪愕不知何物後有 生萬物者也當有人於土中得一朽弊搗帛杵不識 不知此乃求律吕長短體算立成法耳别有何義為 書生過見之曰此靈物也吾聞防風氏身長三丈)脛廟班固此論亦近乎脛廟也

金厂工匠 白重

唐之杖皷本謂之雨杖皷兩頭皆用杖今之杖皷一 羯皷遺音遂絕今樂部所有但名存而已透空碎遠 奏事回有肯令召此人赴闕元孫至郊而其人已死 曲子在鄉延時尚聞其聲涇原承受公事楊元孫因 了無餘跡唐明帝與李龜年論羯皷云杖之弊者四 櫃用力如此其為藝可知也 皷曲今唯有邠州一父老能之有大合蟬滴滴泉之 以手拊之則唐之漢震第二皷也明帝宋開府旨善 頭

次記四種合

1

夢溪筆談

金り口月月日 有序引歌氣唯哨催擴家破行中腔踏歌之類凡數 聲元稹建昌宫詞有逡巡大遍涼州徹所謂大遍者 嫵媚吳娘笑是鹽盖當時語也令杖皷譜中有炎杖 曲有突厥鹽阿鵲鹽施肩吾詩云顛狂楚客歌成雪 是打拍解有專門獨奏之妙古曲悉皆散亡項年王 此皷其曲多獨奏如皷笛曲是也今時杖皷常時只 師南征得黄帝炎一曲于交趾乃杖皷曲也炎或唐 解每解有數疊者裁截用之則謂之摘遍今人大

欠已り日 へいう 邊兵每得勝回則連隊抗聲凱歌乃古之遺音也凱歌 鼓吹部有拱辰管即古之义手管也太宗皇帝賜今名 士卒歌吟之粗記得數篇其一先取山西十二州别 曲皆是裁用悉非大遍也 倒流水從教西去作恩波其三馬尾胡琴隨漢車曲 其二天威卷地過黄河萬里羌人盡漢歌莫堪横山 分子將打衙頭回看秦塞低如馬漸見黄河直北流 詞甚多皆市并鄙俚之語予在鄜延時製數十曲令 夢溪筆談

柘枝篟曲遍數極多如羯皷錄所謂渾脫解之 反兒 復此過冠菜公好柘枝舞會客必舞柘枝每舞必盡 家總待納王師城中半是關西種猶有當時乾吃根 安西路待向河源飲馬來其五靈武西京不用圍蓋 其四旗隊渾如錦繡堆銀裝背塊打回回先教淨攝 聲猶自怨單于彎弓莫射雲中鴈歸鴈如今不寄書 日時謂之柘枝顛今鳳翔有一老尼猶萊公時柘枝 /類今無

金厂口厅

是一聲清濁島下如紫縷耳字則有喉唇齒舌等音 妓云當時柘枝尚有數十遍今日所舞柘枝比當時 十不得二三老尼尚能歌其曲好事者往往傳之古 無磊塊此謂聲中無字古人謂之如貫珠今謂之善 之善歌者有語謂當使聲中無字字中有聲凡曲止 歌之此字中有聲也善歌者謂之內裹聲不善歌者 過度是也如宫聲字而曲合用商聲則能轉官為商 不同當使字字舉本皆輕圓悉融入聲中令轉換處 1 夢溪筆談

一 好 左 四 库 全 書 五音官商角為從聲徵羽為變聲從謂律從律吕從吕 變謂以律從日以日從律故從聲以配君臣民尊里 聲無抑揚謂之念曲聲無含韞謂之叫曲 有定不可相踰變聲以為事物則或遇於君聲無嫌 後又有犯聲側聲正殺寄殺偏字傍字雙字半字之 相生為八十四調清濁混淆紛亂無統競為新聲自 六日為君聲則商角皆以日應做羽以律應加變徵六律為君聲則商角皆以律應徵羽以召應加變致 則從變之聲已瀆矣隋柱國鄭譯始條具之均轉展 卷五

たでのは だけ 成曲謂之協律其志安和則以安和之聲詠之其志 樂奏全失古法以先王之樂為雅樂前世新聲為清 夷樂自唐天寶十三載始詔法曲與胡部合奏自此 志聲與曲莫不怨以怒此所以審音而知政也詩之 與志聲與曲莫不安且樂亂世之音怨以怒則詩與 樂合胡部者為宴樂古詩皆詠之然後以聲依詠以 法從變之聲無復係理矣外國之聲前世自別為四 怨思則以怨思之聲詠之故治世之音安以樂則詩 夢溪筆談

金万口匠 有量 中經聲亦其遺法也唐人乃以詞填入曲中不復用 書之如曰賀賀賀何何何之類皆和聲也今管紅之 張以所為莫知孰是也今聲詞相從唯里巷間歌謠 獨欠是詩而花間集所載咸陽沽酒寶釵空乃至是 之句云是李白所製然李白集中有清平樂詞四首 已多亦有在涯之前者又小曲有咸陽沽酒質欽空 和聲此格雖云自王涯始然正元元和之間為之者 外又有和聲則所謂曲也古樂府皆有聲有詞連屬

という! 古樂有三調聲謂清調平調側調也王建詩云側商調 **噍殺唯道調小石法曲用之雖謂之三調樂皆不復** 裏唱伊州是也今樂部中有三調樂品皆短小其聲 動人情由聲與意不相諧故也 名所以哀樂與聲尚相諧會令人則不復知其聲矣 辨清平側聲但比他樂特為煩數耳唐獨異志云唐 哀聲而歌樂詞樂聲而歌怨詞故語雖切而不能感 及陽闊搗練之類稍類舊俗然唐人填曲多詠其曲 夢溪筆談

聲在短長厚薄之間故考工記磬氏為磬已上則磨 營中砧聲求得喪車一鐸入振之於東南隅果有應 其旁已下則磨其端磨其毫末則聲隨而變豈有帛 者掘之得石一段裁為四具以補樂處之闕此妄也 承隋亂樂儀散亡獨無徵音李嗣真密求得之聞咎 砧裁琢為磬而尚存故聲哉兼古樂宮商無定聲隨 律命之迭為宫徴嗣真必當為新磬好事者遂附益 為之說既云裁為四具則是不獨補徴聲也

多次四库全書

霓裳羽衣曲劉禹錫詩云三鄉陌上望仙山歸作霓裳 とこり見たす 國史纂異云潤州曾得玉磬十二以獻張率更叩其 **某年所造既淪陷在地中豈暇復按方隅尺寸埋之** 氣豈當月律此情然者為之也扣其一安知其是晉 此欺誕之甚也 也法月律為磬當依節氣閏月自在其間閏月無中 口晉 其歲所造也是歲閏月造磬者法月數當有十 二宜於黃鍾東九尺掘必得馬從之果如其言此妄 夢溪筆談 <u>+</u>

多只四月全書 莫知是非或謂今燕部有獻仙音曲乃其遺聲然雪 遂於笛中寫之會西凉府都督楊敬述進婆羅門曲 櫃上有唐人横書類梵字相傳是霓裳譜字訓不通 與其聲調相符遂以月中所聞為散序用敬述所進 為腔而名霓裳羽衣曲諸説各不同今蒲中逍遥樓 云葉法善當引上入月宫聞仙樂及上歸但記其半 羽衣曲义王建詩云聴風聴水作霓裳白樂天詩注 云開元中西凉府節度楊敬述造鄭愚津陽門詩注

虞書曰戛擊鳴球搏拊琴瑟以詠祖考來格鳴球非可 是 裳本謂之道調法曲令獻仙音乃小石調耳未知數 祖考之來格也和之生於心其可見者如此後之為 樂者文備而實不足師之志主於中節奏詣聲律而 謂手之舞之足之蹈之而不自知其然和之至則宜 以戛和之至詠之不足有時而至于戛且擊琴瑟兆 可以搏拊和之至詠之不足有時而至于搏且拊所

欠記り国人子言

夢溪筆談

中四

金万四月石章 新五代史書唐昭宗幸華州登齊雲樓西北顧望京師 所以感人深者不獨出於器而已 題跋多盈巨軸矣 後宣于聲則必有形容以表之故樂有志聲有容其 去安得有英雄迎歸大內中今此辭墨本猶在陝州 作菩薩蠻辭三章其卒章曰野煙生碧樹陌上行人 已古之樂師皆能通天下之志故其哀樂成於心然 佛寺中紙札甚草草予項年過陝曾一見之後人

世稱善歌者皆曰郢人郢州至今有白雪樓此乃因宋 都人物猥威而和者止於數人則為不知歌甚矣故 商刻羽雜以流徵則和者不過數人而已以楚之故 非郢人也其曰下里巴人國中屬而和者數千 阿薤露又為陽春白雪引商刻羽雜以流徵遂謂郢 玉問曰客有歌於郢中者其始曰下里巴人次為陽 阿薤露和者數百人陽春白雪和者不過數十人引 人善歌殊不考其義其曰客有歌于郢中者則歌者

次包写上

夢溪筆談

† <u>5</u>

或曰楚都在今宜城界中有故墟尚在亦不然也此 者名其俗豈非大誤也寒陽者得傳雖云楚有善歌 诉江將入郢王在渚宫下見之沿漢至於夏口然後 鄢也非野也據左傳差成王使 關宜申為商公沿漢 春白雪之名又今郢州本謂之北郢亦非古之楚都 者歌陽菱白露朝日魚麗和之者不過數人復無陽 玉以此自况陽春白雪郢人所不能也以其所不能 泝江則郢當在江上不在漢上也又在渚宫下見之

六十甲子有納音鮮原其意盖六十律旋相為宮法也 宛郢城今江陵北十二里有紀南城即古之郢都也 則渚宫盖在郢也楚始都丹陽在今枝江文王遷郢 昭王遷都皆在今江陵境中杜預注左傅云楚國今 又謂之南郢 南郡江陵縣北紀南城也謝靈運都中集詩云南登 右行音起於西方而左行陰陽相錯而生變化所謂 律含五音十二律納六十音也凡氣始於東方而 萨奥奎克

一 銀定匹庫全書 隔八下生壬申金之孟下生夷則也下皆做此壬申金之仲之商同位娶乙丑丙與丁之類下皆做此 氣始於東方者四時始於木右行傳于火火傳于土 同類娶妻隔八生子此漢志此律日相生之法也五 金左旋傳于火火傳于木木傳於水水傳于土納音 行先仲而後孟孟而後季此遁甲三元之紀也甲子 于坤納音始于金金乾也終于土土坤也納音之法納甲同法乾納甲而坤納癸始于乾而終納音之法 土傳於金金傳于水所謂音始於西方者五音始干

生士寅一如甲子之法終于癸亥出生太裁之類自 中日之宫五音一終復自甲午金之仲娶乙未隔 子木之仲則在行傳于東方木如是左行至於丁口 西南出生甲辰火之季之微甲辰娶乙己中出生士 也戊子娶已丑之後生丙申火之孟夷則丙申娶丁 孟季若無妻言之則順傳孟仲季也 展辰同位娶終若只此陽辰言之則依遁甲逆傳仲與辰同位娶 同位娶癸酉南品隔八上生與很金之季始洗之商 辛已之商隔八下生戊子火之仲於則左行傳南方辛已中日隔八下生戊子火之仲黃鐘之做金三元

こうし

夢奚筆谈

金定四库全書 **令太常鍾鎛皆於甬本為紐謂之旋蟲側垂之皇祐中** 杭州西湖側發地得一古鍾匾而短其板長幾半寸 大畧制度如見氏所載唯甬乃中空角半以上差小 之甚群此不復紀甲子乙丑為陽律陽律皆下生之甚群此不復紀甲子乙丑金與甲午乙未金雖同 子至于已為陽故自黄鍾至於中吕皆下生自午至 所謂衡者予細考其制亦似有義角所以中空者疑 六十律相反所以分為一紀也甲午乙未為陽吕陽吕皆上生 于亥為陰故自林鍾至于應鍾皆上生予於樂論叙

CALDINE ZIES 旋蟲以今之鍾鎛校之此衡角中空則猶小於角者 直上植之而謂之衡者何義又横括以其可旋而有 無所因又以其括之横於其中也則宜有衡義實角 乃欲碌横括似有所因彼衡角具實則衡小於角似 在也則以衡之義也横括之形似蟲而可旋疑所謂 **僅乎空角半以上微小者所以碌横括以其横括所** 所謂旋蟲也今考其名竹篇之篇文從竹從角則角 鍾察自其中垂下當衡角之間以横括挂之横括疑 夢溪筆談

海州士人李慎言當夢至一處水殿中觀官女戲毯山 多分四月在書 清麗今獨記兩関侍燕黄昏晚未休玉堦夜色月如 陽蔡絕為之傳叙其事甚詳有拋毬曲十餘関詞旨 流朝來自覺承恩醉笑倩傍人拾繡毬堪恨隋家幾 錢塘予羣從家藏之 者安能常當其處此皆可疑未知孰是其鍾今尚在 名若以側垂之其鍾可以掉湯旋轉則鍾常不定緊 蟲形或可謂之旋蟲今則鍾實其紐不動何緣得旋 卷五

盧氏雜記韓率謂嵇康琴曲有廣陵散者以王凌毋丘 欠日日日という 篟日香 矣或者康借此名以諫諷時事散取曲名廣陵乃 應據與劉孔才書云聽廣陵之清散知散為曲名明 儉輩皆自廣陵敗散言魏散亡自廣陵始故名其曲 帝王舞裀揉盡繡鴛鴦如今重到抛毬處不是金爐 曰廣陵散以予考之散自是曲名如操弄掺淡序引 |類故潘岳笙賦較張女之哀彈流廣陵之名散又 夢溪筆故 九九

笛有雅笛有羌笛其形製所始舊說皆不同周禮笙師 多次也是名言 馬融笛賦云裁以當邁便易持李善注邁馬策也裁笛 也 古人謂樂之管為邁故潘岳笙賦云修邁內辟餘簫 所命相附為義耳 以當馬邁便易持此謬說也笛安可為馬策邁管也 **邁五音皆具當邁之上不假繁猥所以便而易持** 透裁以當適者餘器多裁衆適以成音此笛但裁

とこりらいたり | 掌教羌遂或云漢武帝時丘仲始作笛又云起於羌 時所吹五空竹邃以融約所記論之則古箋不應有 出其背正似今之尺八李善為之注云七孔長一尺 人後漢馬融所賦長笛空洞無底刻其上孔五孔一 亦云京房備其五音周禮笙師注杜子春云邃乃全 四寸此乃令之横笛耳太常鼓吹部中謂之横吹非 以一君明所加孔後出是謂商聲五音畢沈約宋書 融之所賦者融賦云易京君明識音律故本四孔加 夢溪筆談 <u>-</u> +

金只四月全書 琴雖用桐然須多年木性都盡聲始發越予曾見唐初 音韻皆臻妙腹有陽冰篆數十字其畧云南溟島 路氏琴木皆枯朽殆不勝指而其聲愈清又當見越 極勁挺吳僧智和有一琴瑟瑟微碧紋石為軫制度 五孔則子春之説亦未為然今三禮圖畫箋亦横設 而有五孔又不知出何典據 陶道真畜一張越琴傅云古塚中敗棺杉木也聲 一木名伽陀羅紋如銀屑其堅如石命工斷為此

高郵人桑景舒性知音聽百物之聲悉能占其災福尤 皆動他曲不然景舒試之誠如所傳乃詳其曲聲曰 善樂律舊傅有處美人草聞人作處美人曲則枝葉 葉亦動乃謂之虞美人操其聲調與虞美人曲全不 皆吳音也他日取琴試用吳音製一曲對草鼓之枝 陀皆奇木疑伽陀羅即味陀也 琴篆文甚古勁琴材欲輕鬆脆滑謂之四善木堅如 石可以制琴亦所未諭也投荒録云瓊管多鳥橫咕

欠日の日本とよう

夢溪筆談

金クロカノア 第終於州縣官今虞美人操盛行於江湖間人亦草 相近始末無一聲相似者而草輒應之與虞美人曲 知其如何者為吳音 無異者律法同管也其知者臻妙如此景舒進士及

欽定四庫全書 調八十一 夢溪筆談卷六 多不喻所謂予於金陵丞相家得唐賀懷智琵琶譜 '世遺事時有於古人文章中見之元稹詩有琵琶宮 册其序云琵琶八十四調內黄鍾太蔟林鍾宮 二律各七均乃成八十四調稹詩言八十 調絃中彈不出琵琶共有八十四調盖 沈括 撰 一調人

欽定四庫全書 商頌依我罄聲是也今人茍簡不復以經管定聲故 其高下無準出於臨時懷智琵琶譜調格與今樂全 商上下相生終於少商凡下生者隔二絃上生者隔 調為準更不用管色定紋始喻稱詩言如今之調琴 **趁中彈不出須管色定終其餘八十一調皆以此三** 不同唐人樂學精深尚有雅律遺法今之熊樂古聲 須先用管色合字定宫乃以宫絃下生徵徵絃上生 **被取之凡經聲皆當如此古人仍須以金石為準**

てかしりました! 今教坊燕樂比律髙二均弱合字比太簇微下却以凡 律各具宫商角羽四音其餘或有一調至二三調獨 高教坊一均以來唯北人樂聲比教坊樂下二均上 字當官聲比官之清官微高外方樂尤無法求體又 多亡而新聲大率皆無法度樂工自不能言其義如 凡北人衣冠文物多用唐俗此樂疑唐之遺聲也 何得其聲和 2熊樂二十八調布在十一律唯黄鍾中吕林鍾三 夢溪筆談

金分四月全書 當大吕偤差高當在大吕太族之間下四字近太族 官令林鍾商乃古無射官令大日調乃古林鍾羽雖 當本律其間聲音出入亦不全應古法畧可配合而 國工亦莫能知其所因 今樂 高於古樂二律以下故無正黃鍾聲只以合字 已如今之中吕宫却是古夾鍾宫南吕宫乃古林鍾 **教賓一律都無內中管仙吕調乃是終實聲亦不正** 二律并清宫當有十六聲今之燕樂止有十五聲盖

次定四年亡旨 一一 古法鐘磬每溪十六乃十六律也然一溪又自應一律 高四字近夾鍾下一字近姑洗高一字近中日上字 言之此不備載也 殺之類雖與古法不同推之亦皆有理知聲者皆能 然諸調殺聲不能盡歸本律故有偏殺側殺寄殺元 吕清下五字為太族清高五字為夾鍾清法雖如此 字近無射六字近應鍾凡字為黃鍾清高凡字為大 近殺賓勾字近林鍾尺字近夷則工字近南吕高工 夢溪筆談

金グロろとする 若偏二十八調而不應則是逸調聲也古法一律有 雙調琵琶紋輒有聲應之奏他調則不應寶之以為 有黄鍾之歲有大品之歲其他樂皆然且以琴言之 異物殊不知此乃常理二十八調但有聲同者即應 七音十二律共八十四調更細分之尚不止八十四 又應諸調予友人家有一琵琶置之虚室以管色奏 故古之名琴或謂之清徵或謂之清角不獨五音也 雖皆清實其間有聲重者有聲輕者材中自有五音

常理耳此聲學至要處也令人不知此理故不能極 及此 逸調至多偶在二十八調中人見其應則以為怪此 天地至和之聲世之樂工紅上音調尚不能知何暇

文正の見という

夢溪筆談

